

NÚMERO V

ERA MCLXV.

Santiago.

Año de C. 1127.

13 de Noviembre.

D. Alfonso VII confirma el coto de esta Santa Iglesia y dona para su aniversario el castillo de San Jorge en la Sierra del Pindo.

Archiepiscopus D.--primo de inclito imperatore alfonso dne. urrache-filio iam in imperium sublimato.

Qui sua facta a successoribus suis inconcusse seruari desiderat: statuta predecessorum suorum omnibus modis illibata conseruet. Qua propter ego adefonsus dei gratia totius hispanie imperator. dum causa orationis ad limina bti. iacobi apostoli aduenissem. et testamenti seriem coram omni concilio nobilium meorum uirorum audiuissem quam dudum mater mea regina domna Urraca fecerat. et proprio robore confirmauerat: ob bti. iacobi apostoli reuerentiam de cauto a flumine isso. usque ad mare. et a *tamare* usque ad *uliam*. ut si quis armata manu forciose aliquid rapuisset uel tulisset: secundum morem auorum meorum precedentium regum sex millia sol: pro temerario ausu ad partem sci. iacobi exsolueret. et si sine saione infra hos terminos sci. iacobi aliquid quidquam pignorasset uel uiolenter depredaretur. D. sol: pareret. et duplatum pignus redderet: salubre (consilium) elegi. ob anime mee et patris mei. et eiusdem matris mee remedium. et auorum meorum huiusmodi scripturam

fideli deuotione in perpetuum adfirmare. et omni tempore in rigore tenere.

Sic similiter confirmo quicquid predicta mater mea regina domna urraca bto. iacobo aplo. et archiepo. domno didaco et canonicis eiusdem loci sancti ad eorum sustentamentum et procuracionem perhenniter contulit. Si uero aliquis homo hoc factum meum etc...

Facta carta donationis. Era .I.C.LX.V. et quotum idus nouembris.

Ego. A. totius hispanie imperator quod fieri iussi conf.

Infanta dna. sancia conf.

Infans dns. adefonsus conf. (Regis consanguineus).

Comes R(*udericus*) de traua conf.

Comes gomez conf.

Comēs rudericus martinz conf. (tenens legionem)

Ranenirus froilaz conf. (de autares)

Rudericus uermudiz maiordomus (in curia regis) conf.

Garcia garciaei signifer regis conf.

Velasco petri conf.

(Garcia Petriz)

Fernandus iohannis conf.

Iohannes didaci conf.

Regiam condecet maiestatem ecclesias dei defendere. honoribus ditare. beneficiis ampliare. Quapropter ego adefonsus dei gratia totius hispanie imperator bto. iacobo et domno didaco eiusdem ecclesie archiepo. et eius canonicis pro meo anniversario et peccatorum remedio seu parentum meorum. huius scripture firmissima pagina do et concedo castellum *sci. georgii* uetus. et nouum. cum caractere et hominibus et terris uidelicet *gentines. celticos. barchala. carnuta* et omnibus suis beneficiis. sicut hodie nostri iuris est. et diuidit cum castellis uidelicet. *traua. ferraria*. quicquid concluditur infra suos anticos terminos. et ad regium fiscum pertinet. ita ut

ecclesia bti. iacobi habeat. et euo perhenni possideat.

Si quis tamen contra hoc meum factum etc...

Facta carta donationis et confirmationis.

Era .I.C.LX.V et quotum idus nouembris.

Ego Rex adefonsus cf.

Infanta dna. sancia.

Infans dns. adefonsus.

Comes rudericus de traua.

(Sancho fernandiz cf.)

(Arias odoariz cf.)

(Monio tacum cf.)

Ciprianus petrudes ecclesie bti. iacobi canonicus et clericus Regis scripsit per manum donni bernaldi regis cancellarii.

(Era .I.CLXV. et qt. id nouembris) Cum celebris memorie presens imperator domnus adefonsus mortua matre sua regina donna urraca primo accepto regni sui imperio ad bti. apli. iacobi limina. causa orationis humiliter aduenisset. confidens de dei misericordia et meritis bti. iacobi apli. corpus suum sepeliendum huic apostolice ecclesie summa deuotione tradidit. Cuius siquidem uisa tanta et tam humili animi deuotione. uenerabilis pater loci sancti archieps. domnus didacus. necnon et eiusdem ecclesie seniores uidelicet canonici de regis deuota. intentione gauisi: affectu summo dilectionis eum in canonicum susceperunt. et eius anime hec subsequencia beneficia facienda. in perpetuum deuotissime promiserunt. scilicet ut in uita ipsius compo-stellana ecclesia cum omni archiepiscopatu suo in uigiis orarum. in celebratione missarum. in erogatione helemosinarum. et in cunctis sacris beneficiis pro eo orando. obsecrando. postulando. apud districtum iudicem interueniat. quatinus inimicos suos. et barbaras nationes ei subditas faciat. et regnum suum in pace obtineat. et ad uitam eternam ipso prestante perueniat.

Post sue uero deposicionis diem in primo anno: domnus archiepiscopus et omnes canonici cum toto suo archiepiscopatu exequias. et sacras oblationes. missas uesperas. helemosinas. cum omni deuotione in eius memoriam omnipotenti deo: persoluant. In ceteris uero annis. bis in ebdomada .III. scilicet et .VI. feria. uotiuu sollempnia deuocius et sollempnius celebrent. et quotienscumque loci sancti archiepiscopus sacros ordines fecerit. terciam partem. missarum que solent sacerdotibus iniungi: pro eius anima celebrari precipiat. In ecclesiarum uero dedicationibus et conciliorum celebrationibus. dignam eius memoriam semper fieri precipiat. In processionibus autem et dominicis diebus eius sepulcrum cum aqua benedicta et responsorio sollempniter uisitemus. sicut ad patris sui sepulcrum facere consueuimus.

Pro his namque beneficiis prefatus imperator. diuina inspiratione conpunctus: castrum *sci. georgii* cum karaktere et hominibus et suis appendiciis. unde et comitem domnum rudericum petriz prefato archiepiscopo et eius canonicis hominum fieri precepit: ultroneus predictae ecclesie legitimo scripto post mortem suam dari inconcusse precepit. Hec scriptura firma et illibata omni tempore permaneat et a successoribus meis firmiter teneatur et observetur.

(Inédito. Tumbo A, fol. 40.—Lo que va entre parentesis está tomado de las copias insertas en el Tumbo B, fol. 173 y en el Tumbo C, fol. 27 vuelto).